

## KERATAN AKHBAR

TARIKH : 20 DISEMBER 2022

AKHBAR : KOSMO

MUKA SURAT : 18

### Petronas bantu basmi kemiskinan

## Petronas bantu basmi kemiskinan

**BATU PAHAT** – Dalam usaha membasmi kemiskinan dengan meningkatkan kemahiran Komuniti B40, Yayasan Petronas melancarkan Program Memampakan Ekonomi Asas Rakyat (Mekar) semalam.

Melalui program itu, komuniti terlibat diberikan kursus berkaitan pekerjaan dan pembangunan keusahawanan bagi menyediakan platform yang holistik serta peluang untuk menimba ilmu demi memajukan diri serta perniagaan.

Ahli Dewan Undangan Negeri (ADUN) Senggarang, Mohd. Yusla Ismail berkata, Program Mekar adalah salah satu komitmen berterusan Yayasan Petronas menyokong usaha kerajaan membasmi kemiskinan dalam kalangan golongan B40.

Katanya, program dengan kerjasama Yayasan Sejahtera ini adalah untuk merekrut peserta-peserta yang layak bagi memajukan diri dan keluarga masing-masing.

“Seramai 300 peserta dilatih dalam Program Pembangunan Kemahiran dan 120 orang usahawan akan dibimbing dalam Program Pembangunan Pemasaran Digital dan Perusahaan Mikro.

“Adalah diharapkan program Mekar di Batu Pahat ini akan dapat mempertingkatkan pe-

ngetahuan, kemahiran serta daya saing peserta melalui latihan pembangunan modal insan dan latihan teknikal,” katanya

Beliau berkata demikian ketika mewakili Pengerusi Jawatankuasa Belia, Sukan, Pembangunan Usahawan, Koperasi dan Sumber Manusia Negeri Johor, Mohd Hairi Mad Sah bagi merasmikan Pelancaran Program Mekar di Batu Pahat.

Menurut Yuslah lagi, penduduk di daerah Batu Pahat perlu merebut peluang yang disediakan Yayasan Petronas yang disifatkan sebagai satu peluang yang terbaik dan mampu membantu taraf kehidupan.



**MOHD. YUSLA** melakukan gimik perasmian Pelancaran Program Mekar di Batu Pahat, Johor baru-baru ini.